

ALLT

FÖSTUDAGUR 12. nóvember 2021

KYNNINGARBLAÐ

Skammdegið

þarf ekki að vera erfitt

- Orkublandan frá ICEHERBS hjálpar þér að vakna á dimum vetrarmorgnum
- 2000 einingar af d-vítamíni og kröftug íslensk burnirót





Celebs og Ceasetone spila á morgun á KEX Hosteli. MYND/ÁSA DÝRADÓTTIR

Fjörugir tónleikar á KEXI Hosteli

starri@frettabladid.is

Hljómsveitirnar Celebs og Ceasetone halda tónleika á KEX Hosteli á morgun, laugardaginn 13. nóvember, og hefjast þeir klukkan 20. Aðgangur er ókeypis.

Celebs er samsuðuverkefni þriggja systkina að vestan, sem öll hafa verið áberandi í íslensku tónlistarsenunni með ólíkum sveitum á borð við Between Mountains, Mammút, Rythmatik og fleirum, en öll þrjú eiga það sameiginlegt að hafa unnið Músiktilraunir. Frumraun sveitarinnar kom út á síðasta ári og ber heitið Tálvon hinna efnilegu. Platan fékk tilnefningu til Kraumsverðlauna, Hlustenda-verðlauna og tvær tilnefningar til Íslensku tónlistarverðlaunanna. Celebs spilar kraftmikið syntha-popp en þetta er í fyrsta sinn sem sveitin kemur fram á tónleikum. Auk þeirra koma fram Ása Dýradóttir á bassa og Árni Freyr Jónsson á gítar.

Hrærigrautur hugmynda

Ceasetone er einhvers konar hrærigrautur af hugmyndum með rætur í indírokki en dýfir tánum í folk, nýklassík, elektróník og fleiri stefnur og bindur það saman í tónlistarlegan hljóðheim sem er sérkennandi fyrir hljómsveitina. Meðlimir Ceasetone eru Hafsteinn Þráinsson, Sólrún Mjöll Kjartansdóttir og Jökull Brynjarsson.

KEX Hostel stendur við Skúlagötu 28 í Reykjavík.

Hægt er að kynna sér báðar sveitir á Spotify. ■



POWERFUL NUTRITION FROM PLANTS

AUKAKÍLÓIN BURT



CERTIFIED ORGANIC CC FLAX

FOR WOMEN. CALCIUM. CRANBERRY. PLANTASED.

POWDER 30g (1.1oz)

ORGANIC V

www.celsus.is



Á unglingsárunum fór Glúmur í uppreisn til að afsanna að hann væri drengur góður. Seinna vildi hann nálgast það góða í sér aftur. FRÉTTABLAÐIÐ/SIGTRYGGUR ARI

Lætur engan vaða yfir sig

Glúmur Baldvinsson þurfti að slást vegna nafns síns í æsku og segir algengan misskilning að hann sé hrokafullur forréttindadrengur sem ætli á þing í kjölfaldi föður síns. **2**



Þórdís Lilja Gunnarsdóttir
thordisg
@frettabladid.is

„Innst inni er ég fremur saklaus, hjartahlýr og góður maður. Svo mikið, að vinkonur foreldra minna í denn vildu alltaf klappa mér um kinn og tylla mér á hné sér í barnæsku og fram á unglingsár. Svo laðast börn og dýr að mér. Þetta fór að endingu svo í taugarnar á mér að á efri unglingsárum fór ég í uppreisn og byrjaði að drekka, haga mér ósæmilega opinberlega og stunda kvennafar meira en góðu hófi gegndi. Bara til að afsanna að ég væri drengur góður. Kannski hefur þessi uppreisn gengið of langt því að lokum gat ég ekki umflúið eðli mitt. Ég hef stóra samvisku og vil aftur nálgast hið góða í sjálfum mér.“

Þetta segir Glúmur Baldvinsson, en hvaðan kemur nafnið hans og hvi var honum valið það?

„Spurðu föður minn að því. Hann réði öllum nöfnum okkar systkina, nema því fyrsta, Aldís, því hann var fjarri í Edinborg þegar hún kom í heiminn. Þegar ég fæðist er pabbi á kafi í Íslendingasögunum og heimtar nafnið Glúmur eða Illugi. Glúmur varð það að endingu; í höfuðið á einum karakter Íslendingasagnanna, Víga-Glúmi, sem var seinþroska og latur en reis loks úr rekkju og hjó mann og annan, en átti því óláni að fagna að deyja ellidauða. Glúmur kemur líka fyrir sem eiginmaður Hallgerðar langbrókar í Njáls sögu. Mikill kappi. En eins og nafnið bendir til þýðir það hinn dimmi, dökki og þunglyndi. Samanber enska orðið glum,“ útskýrir Glúmur og heldur áfram:

„Nafnið var svo óvenjulegt þegar ég var að alast upp að ég lenti oft í slagsmálum vegna þess. Sem ég vann yfirleitt. Ég hef sagt það í gamni að pabbi hafi gefið mér nafnið til að herða mig, því ef þú getur ekki lifað með svona nafni gætirðu koðnað niður. Eins og í lagi Johnny Cash. A boy named Sue. En ég lifði það af og er afar hrifinn af nafninu í dag.“

Missir systra mesta sorgin
Fjölskylda Glúms hefur orðið fyrir þungum raunum á lífsleiðinni. „Æska mín var lituð hamingju og samstöðu innan fjölskyldunnar. Ekki bara æskan heldur allt lífið fram að fertugsaldri. Þá lék allt í lyndi,“ segir Glúmur og lítur til baka.

„Mín mesta sorg er missir systra minna. Snæfríðar sem lést óvænt í blóma lífsins. Og svo missir Aldísar sem hvarf inn í sorta veikinda sem hún afneitar og getur því ekki komið til baka og orðið sú skemmtilega systir sem var sólargeisli æsku minnar. Þær eru báðar horfnar mér. Árásir á föður minn og móður hafa náttúrlega valdið mér kvíða og þunglyndi, en ég hef



Glúmur segist hafa mátt undirbúa sig betur fyrir framboð sitt í haust. Hann eigi miklu meira inni.
FRÉTTABLAÐIÐ/
SIGTRYGGUR ARI

reynt að bera höfuðið hátt,“ segir Glúmur, en hvernig?

„Ég þekki foreldra mína og veit sem varðhundur heimilisins frá byrjun að faðir minn er hafður fyrir rangri sök. Aldrei varð ég var við allan þann viðbjóð sem hann var sakaður um og trúðu mér: Hefði ég orðið var við slíkt sneri ég við honum baki. Ég var vakandi yfir öllu á mínu heimili, og kannski of mikið. Ég trúi því að systir mín og móðursystir standi í þessari aðför að föður mínum, ekki til að ná sér niður á honum, heldur móður minni. Þar spilar öfund stórt hlutverk. Sagan er djúp og löng og teygir sig langt aftur í tímann, en ég kæri mig ekki um að rekja hana hér.“

Í vikunni var Jón Baldvin sýknaður af ákæru fyrir kynferðislega áreitni.

„Nú er eina dómsmálinu sem höfðað hefur verið gegn föður mínum lokið og hann sýknaður. Fyrir utan allar lögreglukærurnar sem hefur líka verið vísað frá. Ég á mér þá ósk heitasta að foreldrar mínir megi njóta ævikvöldsins í friði og gleði, eins og þau eiga skilið, enda hafa þau svo sannarlega gert sitt í þessu lífi. Þau hafa staðið sína plikt og unnið fyrir því að eiga fagurt ævikvöld. Ég vil sjá þau blómstra næstu áratugina og þá er ég gladdur.“

Glúmur er nánastur föður sínum, sem hann segir sinn besta vin og að engan sé betra að tala við.

„Faðir minn hvatti mig til að vinna og nýta hæfileika mína. Hann hvatti mig til að skrifa og hugsa og hann hefur alltaf verið minn besti vinur, því hvernig sem ástatt er í lífi mínu þá leita ég til hans til að fá ráð og huggun og kraft til að halda áfram. Pabbi er hlýr maður og enginn skemmtilegri viðræðu. Hann gerir kröfur til mín um að standa í lappirnar og sýna karlmennsku. Kannski hef ég stundum tekið það of langt. Skemmtilegri faðir finnst ekki. Hann er í raun átrúnaðargoðið mitt,“ segir Glúmur, um dýrmatæsta veganestið frá foreldrum sínum.

„Mamma gaf mér ævintýraþrá og ástriðu fyrir að skoða heiminn, enda ferðaðist hún með okkur öll sumur um útlönd. Ég fékk þá ferðabakteríuna og hef þegar heimsótt sjötíu lönd í þessum heimi. Næst á dagskrá er Suður-Ameríka. Mamma reyndi líka að temja mér kurteisi, sér í lagi við þá sem minna mega sín. Hún reyndi af öllum mætti að lækka í mér hrokann sem fór vaxandi með velgengni fjölskyldu minnar upp úr tvítugu. Mamma er samviska mín.“

Vill ganga til liðs við annan flokk
Mörgum þótti spennandi þegar Glúmur bauð sig fram til Alþingis

fyrir Frjálslynda íhaldsflokkinn í haust. Eftirminnileg ummæli hans í kosningabaráttunni voru að ætla að rífa kjaft, kæmist hann á þing.

„Ég er nú fremur kurteis dagsdaglega og vil engum mein og allra síst særa fólki. Þegar það gerist get ég ekki beðið eftir að biðjast afsökunar, sem ég geri oftast nær. En þú verður að skilja að það að vera sonur þessa fólks eða þessarar fjölskyldu, þá þarf maður að læra að verja sig og ég hef þróað þá list í gegnum árin. Að svara fyrir mig og ég læt engan vaða yfir mig. Engan. Oft er leikurinn til þess gerður að kenna fólki að reyna ekki að fara aftur í mig. Því þá tapar það,“ segir Glúmur, alvarlegur í bragði.

Hann gengst við því að vera skapmikill.

„Það fæ ég úr báðum ættum. Ellert, móðurbróðir minn, er skaphundur, og amma hafði líka mikið skap. Ég fæ þetta úr Schram-ættinni, en þú vilt ekki heldur æsa upp föður minn sem er alla jafna yfirvegaður, en í þau fáu skipti sem hann hefur reiðst um ævina hefur verið best að forða sér. En þótt ég sé skapmikill er ég þannig náttúraður að ég kem niður á örskotsstundu og allt er gleymt. Ég hata engan og ber ekki kala til neins og ef mér finnst ég hafa gengið of langt er ég fyrstur manna til að biðjast afsökunar. Ég hef þetta dæmigerða latneska skap. Fljótur upp og fljótur niður.“

Í kosningabaráttunni stal Glúmur svoltið senunni, en hvers vegna, telur hann?

„Ég hef ekki grænan grun. Kannski af því ég reif kjaft, eins og ég lýsti að ofan. Kannski stuðaði ég hinn almenna borgara. Allavega skilaði það ekki mörgum atkvæðum. Ástæðan er kannski sú að ég var í röngum flokki. Ég hef íhugað að ganga til liðs við annan stjórnmálaflokk og auglýsi það hér með.“

Glúmur var gagnrýndur fyrir að hafa mætt drukkin í kosningakappræður í sjónvarpi.

„Það var tóm þvæla. Gísli Marteinn hrakti þá sögusögn og sminkurnar á RÚV. Það hefði ekki farið framhjá neinum ef ég hefði verið drukkin. Ég gekk þarna um gólf af tveimur ástæðum; ég er hávaxinn og fæ í mjóhrygginn við að standa tímunum saman við dvergvaxið púlt. Í annan stað leiddist mér á köflum að komast lítið að í tvo og hálfan tíma. Ég er hins vegar ekki bindindismaður og hef á stundum glímt við áfengisvanda í kjölfar ákveðinna áfalla í lífinu. Það er djöfulleg barátta,“ segir Glúmur af hreinskilni.

Hann kveðst eflaust misskilinn, en lætur þó ekki deigan síga.

„Algengasti misskilningurinn er að ég sé hrokafullur forréttindadrengur sem ætli á þing í kjölfaldi

föður míns. Án þess að eiga það skilið. Ég er auðvitað óreyndur með öllu og sýndi ekki mitt besta. Ég hefði mátt brosa meira í anda mömmu og koma mínum sjónarmiðum á framfæri með skýrari hætti. Ég hefði mátt undirbúa mig miklu betur. Ég á miklu meira inni.“

Íhugar framboð til borgarstjóra
Áhugi Glúms á að hasla sér völl í pólitík jókst eftir framboðið í haust, en hvers vegna vill hann ná metorðum á æðstu stöðum?

„Af því ég tel mig öllum kostum búinn til að verða frábær pólitíkus. Það hvatti mig líka áfram að sjá hvernig samfélagið ræðst að fjölskyldu minni. Svo það var hefndarhugur í mér. Ég tel mig geta gert betur en nánast allir sem nú sitja á þingi. Ég hef menntunina, reynsluna, orðfærið og pennann, og það er ekki öllum gefið,“ segir hann spóskur.

Eftir alþingiskosningarnar sagðist Glúmur næst bjóða sig fram til borgarstjóra og forseta.

„Ég sagði það nú meira í gríni en alvöru, en öllu gríni fylgir einhver alvara. Ég væri til í að taka þátt í borgarstjórnarkosningum í vor, en það er bara spurning um flokk. Enn og aftur auglýsi ég krafta mína því ég vil Dag burt og allt sem núverandi borgarstjórn stendur fyrir. Hvað forsetaembættið varðar var það helbert grín. Ég yrði frábær forseti, en ekki strax. Fyrst þarf ég að sanna mig annars staðar. Forsetinn í dag er að mínu mati of daufur og ekki nægilega hrifandi. Hann er engu að síður góður maður og vill vel. Komi að því að ég sækist eftir forsetaembætti mætti búast við forseta í anda Ólafs Ragnars. Ég myndi hvorki láta þingið né ríkisstjórnina í friði þegar upp kæmu stór mál sem þingið ræður ekkert við. En það verður að biða, enda á ég engan séns í það embætti að svo stöddu.“

Hégómagjarn kvennaljómi
Glúmur hefur lengi verið annálaður kvennaljómi.

„Í sanni sagt fékk ég kannski meiri athygli kvenna en gengur og gerist fyrir þá staðreynd af hvaða fjölskyldu ég var. En svo þegar ég fluttist utan komst ég að því að þar var sama sagan, þar sem enginn vissi hver ég var. Auðvitað naut ég þess út í ystu æsar; ég er hégómagjarn maður með afbrigðum, en það kom mér oft í bobba,“ segir hann og brosir.

„Lífið er dásemd og gjöf sem má ekki kasta á glæ. Að eldast finnst mér gott, sér í lagi þegar einstaka kona gefur mér enn auga, þótt ekkert þurfi að verða meira úr því. En svo lengi sem heilsan bregst mér ekki hlakka ég til að fá grá hár, sem virðist seint ætla að ganga eftir.“

Listakonan Lína Rut Wilberg fangaði hjarta Glúms fyrr á árinu. Hún er ekki síður þekkt fyrir glæisleik og ein fegursta kona Íslands.

„Ég var bálskotinn í Línu Rut þegar ég var fimmtán og hún vann í ísbúðinni í Úlfarsfelli vestur í bæ. Mér fannst hún of falleg til að þora að yrða á hana einu orði. Hún var yfir mig hafin. Við strákarnir fórum ekki þangað til að kaupa ís heldur bara til að sjá Línu. Við kynntumst svo 45 árum síðar á göngu í Keflavík. Þá hleypti ég í mig kjarki til að yrða á hana. Það endaði vel. Hún er allt önnur týpa en ég og bætir við líf mitt reglu, festu og ró. Hún er praktísk á meðan ég er ópraktískur. Hún er jarðbundin á meðan ég svíf um í draumum. Kannski er hún sú eina rétta?“ segir Glúmur, spurður um ástarlífið. ■

Lengri útgáfa á [frettabladid.is](#)

Leyndarmál hvannarrótar

- Loft í maga? Glímir þú við meltingartruflanir?
- Næturbroltt eru tíð þvaglát að trufla þig?

ICEHERBS
NATURAL SUPPLEMENTS
hvannarrót
100% náttúruleg hvannarrót
60 HYLKI | FÆÐUBERNEFNI

Fæst í næsta apóteki, heilsuvörverslun, Hagkaupum og Nettó.

Allt er kynningarblað sem býður auglýsendum að kynna vörur og þjónustu í formi viðtala og umfjallana. Í blaðinu er einnig hefðbundið ritstjórnarefni. Blaðið fylgir Fréttablaðinu daglega.

Útgafandi: Torg ehf | Ábyrgðarmaður: Björn Viglundsson

Umsjónarmenn efnis: Elin Albertsdóttir, elin@frettabladid.is, s. 550 5761 | Oddur Freyr Þorsteinsson, oddurfreyr@frettabladid.is s. 550 5766 | Sandra Guðrún Guðmundsdóttir, sandragudrun@frettabladid.is, s. 550 5762 | Starri Freyr Jónsson starri@frettabladid.is, s. 550 5767 | Þórdís Lilja Gunnarsdóttir, thordisg@frettabladid.is, s. 550 5768

Sölumenn: Arnar Magnússon, arnarm@frettabladid.is, s. 550 5652, Jón Ívar Vilhelmsson, jonivar@frettabladid.is, s. 550 5654, Jóhann Waage, johannwaage@frettabladid.is, s. 550 5656, Ruth Bergsdóttir, ruth@frettabladid.is, s. 694 4103.



OPNUM Í DAG - 12.11.21 KL.13:00

NÝJA OG GLÆSILEGA 500M² VERSLUN Í ÁRMÚLA 5
FALLEG FÁGUÐ OG TÖFF OPNUNARTILBOÐ

Tískan
comma,

Bílar & Farartæki

Bílar óskast

VILTU LOSNA VIÐ GAMLA BÍLINN ?
Kaupi bíla 25-250þús
Hringdu S. 615 1810 eða sendu sms og við höfum samband

Þjónusta

Hreingerningar

Hreingerningabjónusta
Þvegillinn
5 44 44 46
Hreingerningar - Bónun -
Bónleysing Flutningsþríf - Þríf
eftir iðnaðarmenn thvegillinn.
is - Stofnað 1969 Traustir og vanir
menn.

Málarar

REGNBOGALITIR EHF
Getum bætt við okkur verkefnum
innan húss. Löggiltur málameistari.
Löggiltir málalar. Vönduð vinna,
vanir menn. www.regnboegalitir.is
malarar@simnet.is. Sími 8919890

Búslóðaflutningar

Ert þú að flytja? Búslóðafl.,
fyrirtækjafl., pianófl. o.fl. Extra
stór bill. Búslóðalyfta. Flutningabj.
Mikael S. 894 4560 www.flytja.is
flytja@flytja.is

Húsaveiðhald

**FLÍSLAGNIR - MÚRVERK
- FLOTUN - SANDSPARSL -
MÁLUN - TRÉVERK**
Ásamt öllu almennu viðhaldi
fasteigna.
Áratuga reynsla og þekking skilar
fagmennsku og gæðum.
Tímavinna eða tilboð.
Strúctor byggingabjónusta ehf.
S. 893 6994

Tek að mér allt alm. viðhald
húsa, s.s. málun, múrun, flísa- &
parketlagning og trésmíði. S. 616
1569

Nudd

NUDD NUDD NUDD
Slökunarnudd í miðbæ Reykjavíkur.
Lausir tímar. Sími 694 7881, Janna.

Rafvirkjun

**RAFLAGNIR, DYRASÍMAR.
S. 663 0746.**
Töfluskípti, myndsímar. Hagstæð
verð. Straumblik ehf. Löggiltur
Rafverktaki. straumblik@gmail.com

Keypt & Selt

Til sölu

Gítarinn ehf.
Stórhöfði 27
Sími 552 2125
www.gitarinn.is
Kassagítarar á tilboði
Gítarar og
hljómborð
í miklu úrvali
Verð við allra hæfi

Heilsa

Heilsuvörur

gott cbd
CBD 6.6%
CBD 2.4%
CBD 12%
Húsnæði

Húsnæði

Húsnæði óskast

Óska eftir herb. í RVK. Reglusemi og
skilvísunum greiðslum heitið. Uppl. í
s. 611 3868

Geymsluhúsnæði

**GEYMSLUR.IS
SÍMI 555-3464**
Suma hluti er betra að geyma.
Geymslur fyrir dánarbúið, allt að
20% afsláttur. www.geymslur.is

WWW.GEYMSLAEITT.IS
Sérgeymslur á mjög góðum
verðum. Frá 2-17 m2. S: 564-6500

Skipulagsstofnun
Umhverfismat
Matsáætlun í kynningu
Framleiðsluaukning Landeldis ehf.
Sveitarfélaginu Ölfusi
Landeldi ehf. hefur lagt fram matsáætlun til Skipulagsstofnunar vegna
umhverfismats á framleiðsluaukningu í eldisstöð Landeldis ehf. í Ölfusi.
Kynning á matsáætlun: Matsáætlunin er aðgengileg á vef Skipulags-
stofnunar www.skipulag.is
Umsagnarfrestur: Allir geta kynnt sér matsáætlunina og veitt
umsögn. Umsagnir skulu vera skriflegar og berast elgi síðar en 13.
desember til Skipulagsstofnunar, Borgartúni 7b, 105 Reykjavík eða með
tölvupósti á skipulag@skipulag.is

Skipulagsstofnun
Mat á umhverfisáhrifum
Ákvörðun um matsskyldu
Skipulagsstofnun hefur tekið ákvörðun um að eftirtaldir framkvæmdir:
• **Breyting á eldissvæðum og hvíldartíma Arctic Sea Farm og Arnalax í Patreks- og Tálknafirði**
• **Aukin jarðgerð úrgangs frá steinullarverksmiðjunni á Sauðárkróki**
skuli ekki háðar mati á umhverfisáhrifum samkvæmt lögum nr. 106/2000.
Ákvarðanir eru aðgengilegar á vef stofnunarinnar www.skipulag.is.
Ákvörðun má kæra til úrskurðarnefndar umhverfis- og auðlindamála til 13. desember 2021.

Skipulagsstofnun
Mat á umhverfisáhrifum
Ákvörðun um matsskyldu
Skipulagsstofnun hefur tekið ákvörðun um að eftirtaldir framkvæmdir:
• **Ljósleiðarasæstrengur frá Íslandi til Írlands, Sveitarfélagið Ölfus**
• **Breyting á hafnarmannvirkjum í Þorlákshöfn, Sveitarfélagið Ölfus**
skuli ekki háðar mati á umhverfisáhrifum samkvæmt lögum nr. 111/2021.
Ákvarðanir eru aðgengilegar á vef stofnunarinnar www.skipulag.is.
Ákvörðun má kæra til úrskurðarnefndar umhverfis- og auðlindamála til 13. desember 2021.

Barnaheill
LÍNA OKKAR TÍMA
VERND STÚLKNA GEGN OFBELDI
KAUPTU ARMBANDID
www.barnaheill.is
Skannaðu QR
kóðann og fíðu
upplýsingarnar
beint í símann.

Skipulagslýsing fyrir Hellnahraun
Samkvæmt 2. mgr. 36. gr. skipulagslaga nr.123/2010, er auglýst til kynningar skipulagslýsing vegna breytinga á aðalskipulagi Hafnarfjarðar 2013-2025.
Breytingarnar eru: Hellnahraun, aðalskipulagsbreyting vegna landnotkunar og skilgreiningar á afmörkun svæðis. Breytingin felur í sér að þynningarsvæði er fellt niður og landnotkunarflokkurinn I3 verður hluti af AT3 og landnotkunarflokkurinn I4 verður hluti af AT4.
Bæjarstjórn Hafnarfjarðar samþykkti skipulagslýsingu á fundi sínum 28. október 2021.
Skipulagslýsingin verður til sýnis á umhverfis- og skipulagssviði að Norðurhelli 2 og í þjónustuveri Hafnarfjarðarbæjar Strandgötu 6, frá 12. nóvember – 3. desember 2021. Einnig er hægt að skoða gögnin á hfj.is/skipulag. Ábendingum og athugasemdum skal skila á netfangið: skipulag@hafnarfjordur.is, skriflega í þjónustuver að Strandgötu 6 eða á meðfylgjandi heimilisfang eigi síðar en 3. desember nk:
Hafnarfjörður
bt. umhverfis- og skipulagssvið
Strandgötu 6
220 Hafnarfjörður
hafnarfjordur.is

Stækkaðu heimilið með svalalokun frá COVER
COVER kerfið er vel þekkt um allan heim og á Íslandi hafa verið settar upp mörg hundruð slíkar svalalokanir og sólstofur á undanfórum árum.
COVER FINNSK GÆÐI Í 35 ÁR
NORMX
Auðbrekku 6 • Kópavogi • Sími 565 8899 • normx@normx.is

Ábendingahnappinn má finna á www.barnaheill.is
S A F T
TILKYNNNA ÓVIRÐIGANDI EÐA ÓLÖGLEGST EFNI Á NETINU

RÁÐGJÖF RÁÐNINGAR RANNSÓKNIR
intellecta
Síðumúla 5 • 108 Reykjavík • 511 1225 • intellecta.is